

**¶** Unum esse rerum principium ostendit non  
plura ut quidam putauerunt.

DI. I  
Beda.



**Creationē**

rerum in scripturis: deum esse creatorem  
initiumque rerum atque omnium  
visibilem vel invisibilem  
creaturarum in principio  
sui ostendit dicens: In prin-  
cipio creavit deus celum et terram. His etiam  
verbis Moyses spiritu dei afflatus in uno prin-  
cipio a deo creatore mundum factum refert: eli-  
dens errorem quorundam: plura sine principio  
fuisse principia opinantium. Plato namque tria  
initia estimavit: deum sive exemplar et materiam  
et ipsam increatam sine principio et deum quasi  
artificem non creatorem. Creator enim est qui de  
nihilō aliquid facit. Et creare proprie est de ni-  
hilō aliquid facere. Facere vero non modo de nihilō  
aliquid operari sed etiam de materia. Unde et  
homo et angelus dicitur aliqua facere sed non crea-  
re: vocaturque factor sive artifex sed non crea-  
tor. Hoc enim nomen soli deo proprie congruit. Quod  
et de nihilō quaedam et de aliquo aliqua facit.  
Ipse est creator et opifex et factor sed crea-  
tionis nomen sibi proprie retinuit: aliā quoque etiam  
creatoris communicavit. In scriptura tamen sepe  
creator accipitur tanquam factor et creare tanquam fa-  
cere: sine distinctione significationis.

Plato dixit  
tria principia  
esse.

Ex qua ratione  
proprie dicitur  
creator et quod  
sit creare et  
quid facere.

**¶** hec verba scilicet agere et facere et huiusmodi  
non dicuntur de deo nisi eam rationem qua di-  
cuntur de creaturis.

**Verū tamen scien-**

dum est: hec verba scilicet creare et facere et agere  
et alia huiusmodi de deo non posse dici nisi eam ratio-  
nem qua dicuntur de creaturis. Quippe cum di-  
cimus eum aliquid facere: non aliquid in operan-  
do motum illi inesse intelligimus. vel aliquid in  
laborando passionem sicut nobis solet accide-  
re sed eius sempiternam voluntatem novum ali-  
quod significamus effectum: et eterna eius vo-  
luntate aliquid noviter existere. Cum ergo ali-  
quid dicitur facere tale est: ac si dicatur iuxta eius  
voluntatem vel eius voluntatem aliquid  
noviter contingere vel esse: ut in ipso nihil no-  
vi contingat sed novum aliquid sicut in eius  
eterna voluntate fuerat fiat sine aliqua mo-  
tione vel sui mutatione. Nos vero operando  
mutari dicimur: quod movemur. Non enim sine  
motu aliquid faciamus. deus ergo aliquid  
agere vel facere dicitur: quia causa est rerum

in his rationibus

Ex quo scilicet  
dicitur deus  
aliquid facere.

noviter existentium. dum eius voluntate res  
novae esse incipiunt que ante non erant: absque  
ipsius agitatione. ut actus proprie dicitur non  
queat. cum videlicet actus omnia in motu con-  
sistat in deo autem motus nullus est. Sicut er-  
go ex calore solis aliqua fieri contingit. nul-  
la tamen in ipso vel in eius calore facta mo-  
tione vel mutatione. Ita ex dei voluntate no-  
va habent esse sine mutatione auctoris que est  
vniuersum et solum et omnium principium. Aristoteles  
vero duo posuit principia: materiam et spiritum  
et tertium operatum dicitur mundi quoque  
semper esse et fuisse.

Per simile  
ostendit.

Strabonem  
Aristoteles.

Quod catholicum est docet.

**Horum ergo et simi-**

lium errorem spiritus sanctus evacuans verita-  
tisque disciplinam tradens: deum in principio tem-  
porum mundum creasse et ante tempora eterna-  
liter existisse significat. ipsius eternitatem et  
omnipotentiam commendans. Cui voluisse fa-  
cere est: quia ut diximus ex eius voluntate et  
bonitate res novae existunt. Redamus ergo  
rerum creaturarum celestium terrestrium  
visibilem vel invisibilem causam non esse:  
nisi bonitatem creatoris. qui est deus verus  
vniuersus. Cuius ratio est bonitas. ut summe bo-  
nus beatitudinis sue qua eternaliter beatus  
est: alios velit esse participes. quod videri et commu-  
nicari posse et minus omnino non posse. Illud  
ergo bonum quod ipse erat et quo beatus erat:  
sola bonitate non necessitate alijs commu-  
nicari voluit. quia summus bonus erat. potuisse  
velle. et omnipotentissimi noceri non posse.

Quare rationalis creatura facta sit.

**Et quare non valet eius**

beatitudinis participes existere aliquis nisi  
per intelligentiam. que quātomagis intelli-  
gitur tanto plenius habetur. Fecit deus ra-  
tionalem creaturam que summum bonum in-  
telligeret et intelligendo amaret et aman-  
do possideret: ac possidendo frueretur. Eam  
quod hoc modo distinguitur. ut pars in sui purita-  
te permaneret. nec corpori vniiretur. scilicet ange-  
li: pars corpori iungeretur scilicet anime. Distin-  
cta est itaque rationalis creatura in incorpoream  
et corpoream. et incorporea quodam angelus  
corporea vero homo vocatur ex anima ratio-  
nali et carne subsistens. Non dicitur ergo ratio-  
nalis creature prima causa habuit dei boni-  
tatem.

Quod dicitur  
creatura sit ratio-  
nalis creatura.

